

黃山志定本

敘

黃山古黟山也康熙

丙午春偕先友給諫

俞以除往遊迫俗事

至文殊院而止是時
慈光佛像尚在塵埃
中未能位置也去數
年而招提成山志修

說者謂天時人事有
待而興信已顧浮丘
之袖誰把瀉山之主
人未來豈能無矣乎

先是山志已有成書
今年夏友人閔子賓
連刪其蕪雜譔爲定
本又得汪子扶晨爲

之參訂志旣成以予
序其首予謂志也者
史之一體也而山志
實備諸體故紀巖壑

史之志地理也紀建
置沿革史之志禮也
紀雲物史之志天文
也紀人物僊釋史之

世家列傳也紀詩文
史之志藝文及文
之散見於各傳者也
然志黃山視他山較

難何則黃山之勝甲
於宇內獨以地阻且
幽人迹罕至見之篇
什自李供奉始開其

丘壑自晉門始是故
山川之奇日探日出
後人之勝前人者不
可不詳也記詠之章

前賢者如言光之羽
而後來不勝其載可
傳者又不能不載焉
閔子之於是書成一

家言在山志中得來
曾有其有功於黃山
者甚鉅余因是而不
能無感也金像之錫

誠茲山美談然往者
承平宴安天子耽信
福田中璫用事而安
危大計未之或講一

錄之設鋪工殫費其
他可知顧百餘年來
太平之盛不復可觀
而石鼓靈光猶藉此

以爲文獻之徵於戲
是亦惡可以無志也

戲

康熙十八年歲次己

未秋九月朔日癸

山黃土墳議



序

嘗稽海內名山何限其不
爲人所誌者以限非必
山之無可紀有所未知

則遠之知其形而不悉
其美雖徒稱之非徒自
有厥美難窮欲志不得
如黃山之但可翫嘆矣

能言說者其不爲予所
知者黃山之比又何限
山產於歙莫于唐子華
附居山樵庶此而不知誰

別書知者予之欲從事
山史會家小院扶晨興
其田字閱子賓連程子
仲庵吳子倚園刪定舊

卒而彰其條緒郵書系
邸崇予序予極用欣賞
蓋名山自開元錫名晉
門數金徑萬曆間太后賜

佛建寺與宋陳太守浴
湯泉以及磨衣翠丁池其
跡不過數子峯一壑巖
洞山之取以為美志必文

享之士精爲揆議形勢
通而其妙亦傳誌者誌
此而已後者曰唐迄元
不過數十篇而已就篇

一記為山靈增色然
僅移其梗概願後慈光
僧亦曾脩之中多蕪謬
顧袁山之誌其不同于諸

山西難爲者有三山以
陰稱玉華止矣游者皆
能升百尺之巔躡蒼龍
三顧而上探于玉女洗

頭盤黃山則群峯
立石削無可措手
人陸而自不能上
吳探厥美安能懸
揣山遊以僧

舍為郵區歷台蕩武夫
多者千餘少者百數黃
山則每當奇勝苦難近
費陟頓好疲類以饑驅

而志遊必復程不獨暮年
託宿於文獻無處潘山
史所推爲詩文重耳
非以葢潛搜秘於諸峰

故山之寔並僊衆但有
佳名而莫詳之所以寶氣
運來至使並脩山志者
其亦何從奪庶自之觀

而駭心于一日之遽也者

鄰道元注水經既極

廣攬復踰辟揆藻爲

古今梅許其後大業子未

唐山紀事既詳且淨美
必不遺今此志脩辭曰
彰通元裁制精麗寧
失之簡刪之為要附者

其累則又恒損子木去
三難而擅二美用仁重
之千古夫復何疑乎
雖欲別置一喙亦無如

馬坊喜雨序之

康熙丙寅秋八月

楊一齋曰鐫撰



序

紀載之書記其疆域

山川物產權輿于焉

直山海經而後益凡

潤若乃列于史乘
為典冊地理之志
名蓋自班氏時起
迄於今省會志州
郡有

志下主一也、可也、

志主臨一、當寧一

命一延聘文人學

士郊至採輯而說者

反謂多如一二老其宿儒

所著述只如小經小經

注華陽國志之類

者何也蓋都國省會

之書後凡起例難出

諸家之書皆有所

不得詳事有所不暇

及因所為老生宿儒

車馬志爲一所得

以歲月多暇杖履之

所經精詳霜霰多若

于咸例無迫于期限

則石斲工而自工矣顧

吾邑之石莫如為天

下絕旁無幽深怪險

峭刻沙磧向出此窟

九子之上大孝老人頌

田劉此方知又得寶

田劉此方知又得寶

龍窠窠峭拔絕異巨

靈之所不能聞者

所不能聞者

故聞者也音也

連聲為著此書而

余与汪子廷老相与綢

羅遺扶祀權隱辭助

其筆以彰辨考閭一寒

暑而少成使黃山面目

昭著於天仁德如山

厚九子孫其功其德

常親古今其德其功

自傳必藉人言其功

已即如山之琳院一境

有國神宗時始建

門大師穿寶相龕

以寺更覺弘大

人鮮以津逮者為

北走京師向來神

廟皇太后懿旨建

光寺勅賜印銅象

西山之隈自盡開鳴呼

昔人稱佳客之寄出

自五代而黃山渡關

自晉門山以人遠不信

西風吹大木，
葉落如金。
遠之如夢覺，
天籟一。

松檜翠，
綠之如夢覺，
天籟一。

後日月，
石如波濤，
變。

觀心者皆眼上
此非心傳也
雪山著黃山
少西名道懷
夫書

咸後一年歲存辛

酉月余同捷累及程

蝕龍江岸船家第

登与船往遊咸名賦

咏未及哉

升已先爲

世美私欲

或上智

滿香續於後而末

能也因記主本末此

康熙丙寅歲八月與山

吳苑題



序

墨唯司馬善游海外

雖窮五岳向禽多韻

人間徒望三山境有

未通則神理爲之
不接因省不至則紀
裁爲之未詳遺乎
渺莽奚可述英靈

柱神禹鑄鼎新伯益
勅山海為一經
漢成書並聖列地
裡于中志揚子妙局

志錄蕭公乃紀山
樞然而鉤齒蟠幹
徒有真形之似錄
龍威仙丈不傳家
意三

編則天地之精英
時藏於密而山川之
秀異難得而言之特
神境之闢略有數

事而弘圖所建必
符異人故夫虛樂
然亦常多踴躍
許詢濟膝不待交

節度鉅索以尋峰
過石梁而觀瀑是
則涉幽之病憂局
闢險之才若乃覽淖

江之作九子晉待于

謫仙誦序卑之篇

五老維彰于白信

賦天台者詞堪鄰

地望太華者語欲
吾人此不務深之
英其有采真之興
至於莊嚴有象緯

博無窮聞生面於

山靈留苦心于嶽麓

無煩勛木現驚嶺于

片立不憚鉅金集

鴻章於百世則
烟霞之志士良為山
水之功匠矣予鄉

黃山著名鄴郡神

蕭仙的聚三地之

靈氣丹鼎藥爐具

累朝之瀨臺玄天殿

尺生地億壽雖天寶

更名特闡新

秘而慈光錫額當面

媯后之選往由海以

來陳太守之後軍傳

高隱自唐以上李
休奉之前靡著雄
文迄乎晉門大歸如
開雙樹前此王陽道

者僅差一節。陳境
於虛遠人。深願茲
我內子。諸父于升先
生初嘗綴帛之年。

上者布一金之顧一

詞慷慨衆或為驚

獨力經營卒成其

志紺結之宮新建

白象之臨宏開厥
在梵園是名檀主
爰求山志用授秦
人取汪程三子之書

宜丘壑千秋之業

既將平業稱此事

之董振復懼繁文

滋他年之亥豕幸

值吳山和尚刪定

備有苦心延其穀玉

主人雖云稱為能事

而神僧隻履俄還

西札致開士遺書

遜塵東望適得賓

連之善本報之矣荇

庭之舊文以謝民

之三長權衡川報
月江郎之五色題
染雲密大書之間以
符書錄玉期成夫

瓊瑤一刻矣仍焉尋
刻施珠麗新于標
湘美卦親示河全藏
也折閱黃山六百餘

至能到者未及半

途天都三十六峰

可坐者踰十數

靈靈之靈幻以地

為天洞壑之幽音存

山而海既無黃鶴之

羽徒彰赤龍之驕力

士摩河掌難通於蓮

嶠秦人壘石之岩
義於概在猶然執
簡尋源較棟夏徑
則是書也直當就之

漢觴之館賦以琅

函貯于櫺窗之宮

貯諸玉帛余未窮

仙篆法逢王烈傳看

逸全神一考輒美


陶公遊舉天爲之

語以浮丘之道家

咸之功也哉

康熙己未九月下浣

豐南外史吳綺撰



海陽查士標書



自序

歙縣 閔麟嗣纂

夫志者記也記其地里風俗文獻之大畧也志山水與志郡邑雖異實同顧世多昧焉罔察猥俳冗雜不足視較之博輯先儒之講學與古德之法語以爲有益於大道者其寔失古意一也近刻黃山志裁撰未精難以信後行遠余不揣謫陋重修如左聊爲山遊者之一助因并書纂志之意以告焉

康熙十八年秋七月己酉望日

總目

卷之首

序文

發凡

詞翰姓氏

山圖

卷之一

形勝志第一

總二百二十九條

附錄不載自後同

卷之二

建置志第二

總一百一十三條

山產志第三

總九十九條

并箋三十五條

人物志第四

上八十七條

下七十三條

卷之三

靈異志第五

總六十二條

藝文志第六上

聖諭一道

部劄一道

奏疏四首

山海經四條

水經注節畧一條

志畧五條

緣起八首

疏二十二首

引一首

考一首

序九首

記二十八首

卷之四

藝文志第六中

遊記二十首

內記三首分二十五則

卷之五

藝文志第六下

遊記十首

內記二首分十七則

書啓十一首

題跋書後十一首

上梁文一首

塔銘二首

塔銘補遺一首

銘七首

頌一首

像贊二首

偈四首

雜著四首

賦一首

卷之六

賦詩志第七上

古今體詩四百五十五篇

卷之七

賦詩志第七下

古今體詩四百四十一篇

目畢

江寧

業彭齡繕寫
周長年繕梓

旌德湯能臣
上元何青芝
鐫圖

黃山志定本發凡

是志凡七篇雖以前刻爲粉本前五篇採用全文者少
出於重譔者多後二篇詩與文強半皆舊志所載予選
其十之三四復增定之則志爲黃山新志矣何襲之嫌
乎其以編輯屬之者何曰以始事故古人之祭川也先
河而後海或源也或委也予深惡夫見委而忘源也○
原志四字行文倍於散行今本每則落落寫意不能以
組織擅長而以簡樸藏拙矣黃山如海庶幾蠡測幸免
後塵之譏豈博積薪之譽○始信峰光明頂石筍矧諸

勝山僧傳之遊人譽之圖經山志凡十刻皆遺今錄附
近峯左右便登涉者覽焉其餘小峯異石奇不勝收視
其大可以知其小○山中舊蹟搜剔靡遺流杯池見羅
盱江詩今池久湮失故址所在推之則挂漏必多嗣容
訪補或已載遊記則不附見附之恐蹈以謠傳謠之病
○天都書院何以不書在太平之南郊也近於山書遠
於山不書猗中書院何以不書非所宜名也講學書隱
居不書然則耕巖書院何以不書無會語則亦不書爲
耕巖者奈何重其人詳其出處尊賢之道也○山寺爲

山中勝槩隆替不常存者無論卽廢陟荒宮亦必備載以俟將來安得靜茅數百間基布前後海爲山之郵遊人草牀蔬食可待矣○名賢寓公古今不乏人豈止是乎紀載放失矣聞見寡陋矣曷從知其人以榮吾志且譏次所及者復刪之其刪之何也君子不多其一遊爲山重也○凡志人皆稱名定體也故先輩鉅公名卿皆名或冠以諡或書以爵或繫以籍或尊以公不知則仍舊稱若僧道隱逸與目擊靈異之人原俗稱之者名不可稽姑從前志○日月江河奇莫奇焉耳目恆見平平

矣黃山爲五聖之所遨遊僊靈之所窟宅靈異雖屬創見實非炫奇於各條詳注年月姓字以示有據○昔人稱碑碣爲山川眉宇惟文字荒蕪者僅存其目不錄原文若緣起序疏諸作寬登之者何山志所重也山志所重奈何俾有可考也何以考之述之者不廣爲搜輯則閱之者無由得其興衰也是以選之多芟之少也○黃山山水難於刻畫故遊記不副乎山千手雷同了無異致上之不克頡頏柳州永州諸記求如李歷下之遊華山王遂東之遊台蕩劉同人之景物畧亦廣陵散矣

茲志定例小紀附錄長篇可與志相表裏者存之序次
拖查處稍節之雖紀勝也兼論文也或記中有關切於
山者亟爲摘附於前則全璧不復再見存其言也卽存
其遊也並爲後之遊者一指南也如欲必傳其全自有
舊牘在○昔孫綽賦天台六百餘字李德裕賦廬山二
百二十字言簡意長可與二山並峙天壤黃山三賦尺
幅過冗非山志所亟刪之便○遊山詩絕調靈運李杜
尚矣執此繩詩於黃山合作者鮮茲選就詩論詩佳則
錄否則汰不問爲誰何也惟宋元及嘉隆前流傳之什

存乎見少故采擇獨寬○人非山中之人乃有山中之詩此迭歸贗題暨遙望諸篇皆在所逸也逸之者何存其真也存真者何必其人爲山中之人而後詩爲志中之詩也○前志詩分各體姓名雜見茲則彙而從人便補刻也詩工而搜未盡山與志交惜之天下諸名家鴻篇秘藁統冀惠余以成勝覽○苔鎖烟封始見丘壑本色一經斧鑿痕其失則史矣入山未深凡一壁一石題刻殆遍且有丹雘塗之者僧俗何知烏足怪雖先民在不免何哉唐突山靈惟此爲甚志之嚴斥石剝以此

間有數處漏入未刪失於檢點故○余刪志義例皆見
分部之首修飾潤色不知其當與否也歧望諸君子進
教焉志始於康熙己未夏五月其相助有成者惟予友
汪士鉉之力爲多六月志成七月旣望繕寫入梓

擬庵閔麟嗣謹述

詞翰姓氏

自宦師外集不書爵名字與世無涉者謂之

唐 十人

李白

太白興聖皇帝九世孫

吳鞏

歙人侍御

賈島

涇陽人

韋綬

子

萬年人歙州刺史元和四年任

于德珣

歙州刺史大中十一年任

任宇

李敬方

虔

歙州刺史釋島雲

唐詩紀事卷島雲初為僧詩尚奇險

杜荀鶴

彥之九華池州人本牧之之子

程傑

宋

五十六人

李錡

新安通守

汪師孟

元符時人

胡彥國

紹興時知徽州軍

吳徹

益恭休寧人

羅願

端良存齋歙人

焦源

東之太

張介

黃之望

張尹甫

松谷

姓氏

真吳龍翰式賢古梅歙人王挺之歙軍事判官魯宗道貫之亳州譙人軍事判官

吳黯漢陽人凌唐佐公弼休寧人建炎初以節死鄧宗度吳弘鈺歙人

石應孫焦靜山汪兼山汪起莘叔耕柳塘休寧人王十

朋龜齡梅溪樂清人程楠歙人趙日巖王葵朱彥世英柳

月礪陳炳葉秀發茂叔金華人師呂東萊先生知太平縣復知休寧縣趙汝

育鄭震合溪聶致堯陳山泉焦本心方月礪

張冠卿歙人荀完石待問眉州人謝鳳彥陽歙人釋巖隱

程元鳳中甫歙人諡文清程元岳遠南文清公從弟文天祐九江人焦

翠峰焦炳炎濟甫太焦煥炎晦甫太鄭晦歙人徐師通

軍州 杜叔元婺源人 聶宗卿 劉漑 陳巨川 汪致遠

歙人 汪炎泉古逸婺源人 謝翺阜羽人 釋怡庵 陳天麟宣城人

元 十七人

曹涇清父休寧人遷歙 唐元長孺筠軒歙人 程文以文婺源人 程仲清 吳

元生 嚴士貞 曹通 孟淳 劉宗敏歙人 趙怡堂

汪澤民叔志婺源人遷宣城謚文節 鄭玉子美師山歙人 胡元禮

鮑滋伯原歙人 王儀仲陵竟庵婺源人 方叔誠叔誠歙人 釋此村

明 二百八人

趙訪子常東山休寧人 唐桂芳字仲實以字行號白雲歙縣人 鮑頰尚裴歙縣人 呂

旭 德昭歙縣人 方勉 懋德怡庵歙縣人 程孟 文實文清公七世孫 張達 惟達慕庵歙縣

人 程珩 程信 彥實休寧人籍河間諡襄毅 李東陽 實之茶陵人諡文正 程敏

政 克勤董墩襄毅公子 鄭善夫 繼之少谷閩縣人 孫一元 大初陝西人 唐正 歙縣

人 劉元凱 四川人 程詒 自邑泔溪一號霞城歙縣人 程大志 歙縣 方懋 歙縣

人 程汝望 汪鉉 宣之誠齋娶源人諡榮和 潘旦 希周石泉娶源人 潘照 桃溪

人 娶源 汪立錫 天啓靈屬娶源人 唐皐 心庵歙縣鎮人 胡松 承庵績溪人 鄭佐

歙縣 羅洪先 達夫念庵吉水人 王一瀛 劍峯江陰人 王寅 亮卿十嶽歙縣人

江確 廷瑩篁南歙縣人 王尚德 子客次海歙縣人 鄭銑 子金鄭谷歙縣人 鄭立

撫 思新梧野歙縣人 陳有守 達夫六水一號天瀛歙縣人 余震啓 元復東谷歙縣人

歙縣人

汪瑗

玉卿海洲一號

方大治

縣明一字在宥

羅汝芳

惟德

近溪南

周怡

順之都峯太

崔涯

筆山太

程師杜

吳銀

歙縣人

馮世雍

三石江夏人郡太守

汪國禎

歙縣人

方充

惟美槐亭

方

效

去病石洲

汪道昆

伯玉南明

許國

維楨穎陽歙

申時

行

汝默瑤泉長

汪道貫

仲淹歙

汪道會

仲嘉歙

莊明鎮

靜甫福

龍膺

君御武陵人郡司理

余翊

宗漢蒲

沈明臣

嘉則鄞

程

嗣功

程鳴岡

陳宣

虛庵太

陳芹

子野系出交南

程

夢龍

休寧人

鄭燥

歙縣人

鄭孔庶

歙縣人

鮑汝剛

歙縣人

謝榛

茂

唐世靖

歙縣人

李維楨

本寧京

沈一貫

行吾鄞縣人沈明臣

從子程道南 李敏功甫休寧人 程嗣興 汪大德歙縣人 葉元

烈歙縣人 易仁歙縣人 詹潢伯章歙縣人 程顯爵天錫歙縣人 程顯法

歙縣人 梅占魁歙縣人 沈懋學君典宣城人 馮夢禎開之具區梅

鼎祚宣城人 黃汝亨貞父宣城人 唐樞一庵吳興人 謝肇淛在杭候

凌登名元孚杭州人 黃克謙又謙仁和人 鄭琰翰卿閩縣人 岳元聲

石旣錢 湯賓尹霍林宣城人 岳和聲 謝兆申耳伯閩人 古沛然

歙縣人 汪大成歙縣人 釋鎮澄空印山西人 釋惟安普門郡縣人 吳士

奇無奇恆初歙縣人 董其昌思白玄宰華亭人 米萬鍾仲詔友石順天人 袁

黃丁凡嘉興人 鍾惺伯敬退谷景陵人 釋德清慈山蕲姓 于玉立中

金壇

汪應埈

魯寧江西人

鮑應鰲

中素欽縣人

蔡欽

中貴

潘之恆

景升欽

張思仁

任甫河間人

黃習遠

伯傳吳縣人

吳伯與

福生師每宜城

吳伯敷

宣城人

程明仲

汪淮

烏又休寧人

程雲際

欽縣人

方

秀欽縣

吳文潛

元翰甯山人

田藝荷

于藝發諸人

王士龍

謝室

于楚欽

釋大經

天津錢塘人

丁雲鵬

南羽休寧人

施鳳來

羽王平湖人

孫湛

子真休寧人

戴澳

菱音節縣人

釋海蓮

佛乘籍山人

汪南山

丁

惟曜

貞白休寧人

吳日宣

大士欽縣人

吳士權

三之欽縣人

袁中道

小修

公安

吳可封

唐叔欽縣人

鄒匡明

子尹安成

徐時逢

葛寅亮

地瞻

水靈錢

陳繼儒

仲醇華亭人

葛一龍

震父長洲人

顧認

山子華亭人

沈

姓氏

顯明倩吳縣人 薛正平更生華亭人 釋廣漆 釋智旌華如秋潭嘉興人

汪康運當世歙縣人 程世魁肇父歙縣人 余紹祉子時發源人 丘禾嘉

有穀貴 王公弼梅和蒲州人郡守 駱駿曾嘉興人 釋文石孫谷程

王衡星王 釋性航旅泊順天人 羅逸遠游歙縣人 吳光胄以宗歙縣人

馮琬 龔鯉 方夜肩子歙縣人 江東之長信歙縣人 江世東石鐘

人歙縣 顧錫疇九疇崑山人 畢懋康孟侯歙縣人 程嘉燧孟陽歙縣人 黃

奐王龍歙縣人 王之傑于凡歙縣人 黃道周石齋靜海人 方一藻五根歙縣

人 薛挺紫葉華亭人 吳康侯定遠 姚文蔚元崇錢塘人 吳從先寧

人 歙縣 徐弘基六岳定遠人 釋弘忍潭古歙姓鄭人 鄭汝敏 周

鍾仲欽金 徐頴 鹽人 孫晉 明都魯山 吳孔嘉 天石欽

吳運嘉 欽縣 釋正志 鹽人 卽熊開元 吳廷簡 縣人籍河間

李逢申 華亭 方士翊 縣人 方士亮 欽縣人 吳階 象

欽縣 朱鷺 白民長 楊補 日補長 潘彥登 縣人 余書升

拾仲欽 許元溥 孟安長 張溥 天如西銘 釋道衡 西吾常

朱苞 以九涇 劉伺 縣人 凌世韶 官球欽縣人後劉同

升 孝則晉卿 吳鍾密 縣人 凌嗣 縣人 許鼎臣 定

武進 金聲 子駿一字正希 沈壽民 宣城人 江天一 文

寒江欽 江九阜 縣人 陳昭祥 少明郡 釋弘智 無可業

黃山志定本 卷首 姓氏 三

人即方以智字

密之號鹿起

張岑

幼青杭

鄭元勳

超宗歙縣人籍俄真

項士文

念茲太

方時基

肇岐歙縣人

汪大海

谷王祁門人

吳鶴孚

元振歙縣人

鄭可文

順斯新縣人

楊苑

宛歙縣人

王泰徵

蘆人半士歙縣人

國朝

八十一人

錢謙益

受之牧齋常熟人

方拱乾

肅之坦庵一號歙縣人

李雯

舒章華亭人

釋音可

元白族姓鄧武岡人

楊臣諱

古度一字無諱桐城人

王玄度

尊素歙縣人

譚允謙

長谷升徒人

湯燕生

玄翼嚴太人

許楚

芳城歙縣人

汪家

珍

叔向一字登人歙縣人

程從律

申之歙縣人

方搗謙

君則月顏桐城人

江益

無方歙縣人

江嘉梅

晚柯歙縣人

紀以鑑

伯紫江寧人

顧宸

修遠歙縣人

詩聖武國庵
三原人
劉思敬
覺岸江
蔣超
虎臣金
施開章
尚白

宣安
周體觀
伯衛
許啓洪
任宇
屈大均
翁山
張

吳卿
以同武
趙吉士
天羽恒
夫
吳雲清
方
籍仁
和
吳

綺
人籍江
都
釋震朗
吳曠
前
伯
周漁
惡
黃士

墳
信和
吳嘉紀
野人
泰
王煒
不
陳璧
常熟

人
吳尚友
亦古
程守
洋二
程羽文
蓋臣
劉正

學
止一
陳日浴
福建
陳翰
曉亭
俞毅
去
汪逸
道

歙縣
吳肅公
宣城人
戴本孝
務
陳恭
聖
太平

施譽
大仲宣
崔學彭
又錢太
方沆
激陽
程封
伯建石

黃山志定本
卷首
姓氏
古

人 查士標 二瞻旗望 休寧人 魏憲 淮愛閩 縣人 曹釗 眉庵豐 潤人 曹鈞

人 曹鈴 中谷豐 潤人 陳遜 子謙太 倉人 沈述 字承宣 汶人 汪知默

人 汪舟 虛中岸 歙縣人 陳輔性 足襄太 平人 汪濟淳 公麗歙 縣人

人 貞明 歙 程弘志 聖木歙 縣人 汪晉穀 字臣歙 縣人 吳樹誠 子

人 程兼 抑若樵 歙縣人 汪士鉉 六長栗亭 歙縣人 程謙 山尊歙 縣人 汪


人 吳苑 房香室園 歙縣人 吳蔚 崇實歙 縣人 吳之騄 耳公 達庵

人 程彭 子清歙 縣人 吳荃 劍宣 歙縣人 江注 允義歙 縣人 黃起溟 扶

人 吳松 綺閣歙 縣人 揭暄 子宣吉 歙縣人 方中通 位白方以 智中子 吳瞻

人 蔣質 文少 歙縣人 程義 正路歙 縣人 閔麟嗣 賓連壽盛歙 縣人 籍揚州

閔麟嗣曰凡山志有圖予謂圖天下名山易圖黃山
難何難爾黃山萬峰千峯千竇直上不贅不附如矢
如林可圖乎不可圖乎其為靈詭又不可測猶是山
也遊同言異狀同色異時同候異間同見異雖工於
紀遊之文者究於山未盡其奇何況於畫無已爰採
舊圖十餘冊屬友人蕭晨臨摹一過梓之閔瑞卿存
其意云爾晨字靈嶺江都人



程得寺



三ノ山



黃山志定本

卷首

山圖

十二







御休庵












翠微寺





黃山志定本

卷首

山圖


五






黃山














三





甘肅通志 卷首



甘肅通志



崖丹臺







深淵



黃山志定本

卷首


山圖


三





千岩万壑





黃山志定本卷一

吳山僧弘濟益然闍定

原姓汪名沐日子扶光

新安閔麟嗣賓連纂次

同學程 守非二

吳 綺蘭次

吳聖修剪公

江銘勲尙一

趙吉士天羽

汪士鉉扶晨

黃元治自先

汪 楫舟次

江 閏辰六

程 謙山尊

吳 苑楞香

吳之騄耳公參閱

形勝志

志爲黃山而作凡山峙川流襟帶乎大江以南者山之
形勝也穀梁傳曰聽遠音者聞其疾而不聞其舒望遠

者察其貌而不察其形規規文字之中以求黃山黃山
真形遠矣茲志欲毋修可乎曰奇不能盡者山也志恐
易盡者山之奇也惟不盡乃盡紀形勝第一

圖經云黃山舊名黥山見之水經注中盤踞宣歙二郡
之境廣五百里東南歙州歙縣屬西南休寧縣屬各百
二十里東北宣州太平縣屬八十里唐天寶六年六月
十七日敕改黃山周書異記云昔軒轅黃帝問道於廣
成子受胎息於容成子吐納而谷神不死獲靈丹於浮
丘公遂思超溟渤遊蓬萊乃告浮丘公曰願握衣躬侍

修煉浮丘公曰凡擇賢而師學必精奧棲隱勝地業則
易成鍊金成丹必假山秀水正之地其藥乃靈唯黥山
據得其中雲凝碧漢氣冠羣山神僊止焉山中靈泉香
美清溫冬夏不變若能齊心潔已沐浴其中萬病皆愈
矣黃帝遂命駕與容成浮丘同遊此山得道上昇按黃
帝陟王屋而受丹經升鼎湖而飛流硃登崆峒而問廣
成之具茨而事大隗適東岱而奉中黃入金谷而諮子
心論導養而質互素二女未聞與浮丘容成登黥山鍊
丹也但黃帝遍歷五嶽緝雲青城皆所環轍黥山幽奧

靈奇無愧神僊窟宅周書異記及山志之詳于記點因
詳軒黃之僊去或非虛也其山三十六峯載在國經水
源亦如之谿二十有四洞十有二巖則八諸峯高二三
百仞并巖洞溪源未載者猶多按郡國志浙江天目山
高一萬八千丈僅及黃山之麓山有摩天戛日之勢浙
東西宣歙池饒信等郡之山皆屬此山支脈則山高可
知又宋人謂黃山雄視天都與廬嶽稱三天子鄭九華
得三之一巫峽十二峯得四之一則超絕白嶽可知其
水自湯源出者入宣州太平縣界山北望僊絃歌等處

之水俱入池州之石埭縣經麻口出涇縣合旌德之水
入魯江其浮溪流入曹溪阮溪流入容溪二水合流入
豐樂南流百七十二里至郡城西合歙之揚之水績溪
之乳水出歙浦山西水帶黟縣經休寧縣治出屯溪合
浙源張源新嶺源之水南合歙浦水經嚴州下錢塘江
此水之大畧也山水之支脈極多今以西南二支論之
南支經歙縣爲箬嶺高四百五十丈下有昉溪源水出
豐口東黃檗山高五百丈下有黃檗源水南流合豐口
之水出郡城山北水出旌德縣上下洪溪流出涇縣山

次東入旌德則有洪高巖綿延而爲績溪之新嶺又東
大鄣山南龍巖山介歙宣杭三州之間迤邐東南入杭
州唐山縣散入浙東諸郡至天目而止於吳山焉自大
鄣東支至昱嶺關入嚴州淳安縣西支入黟縣界至步
泉嶺轉北入祁門縣之武亭嶺又南至榔木嶺水分東
西流東經休寧縣界西經饒州入彭蠡湖又南至婺源
之浙嶺次至斜山又南經五嶺至大鱗山迤邐南出衢
州常山縣入浙西諸郡自步泉嶺以南東西各一支西
至小敘東至休寧黃土嶺又東至白際嶺及牛泉嶺又

北入祁門大關嶺轉而西南至舉根山東南至梅鷄山
及魚亭嶺又分一支至梅源山其餘支脈猶多不盡述
以外平地計之峰高一千三百七十丈其域揚其星斗
其分野其形勝千峰插天烟雲無際雷雨在下

峰 凡三十六峰

鍊丹峰高八百七十仞

丈數高下皆从脊已上算後同

相傳浮丘公鍊

丹峰頂經八甲子丹始成黃帝服七粒不藉雲霧昇
空游戲石室內丹竈尚存峰前有驪藥臺臺下溪黝
不可測

天都峰與鍊丹峰相並爲羣僊所都高九百仞健骨竦
桀卓立天表五彩雲濤時擁山腰峰拔雲上愈見其
高巔上有石臺凌空而出又有石室登文殊座可望
旁有犀牛峰一名耕雲峰

黃克諫序釋大壑紀游詩云天都絕頂忽平如掌中
有石室巖空可容百人坐列石壇鼎屏牀几日奔杵
井弈子俯有甘泉瀝溢似玉膏石之上絡以千年異
木壽藤綠天無色下結五色苔蘚厚二三尺許軟如
綿撻碧浸身疑臥諸天佛座上也俯瞰空中雲氣排
蕩都成風雨迢迢萬山盡竄伏烟莽中乍有乍無吳
越山川直齊州九點煙耳佛經言華藏世界五色瑤
瑤沙應作如是觀

方夜云天都下視纔然綠練而上皆片石累疊成峰
玲瓏瀟灑出奇無窮數氣說盡矣臥峰頭終日聞猿

墮聲必相尋若發異香染人衣濕石室亦曠朗中間
石罅數分其室曲房重屋鬱爲偃居何疑焉

又云人言天都最高大約兩峰相望互率自高然非
所據登之則能俯其頂而得之疑中余望天都於蓮
花則髻在曉登天都望蓮花則翹其頂而不可得也
以是知蓮花獨尊矣天都雖大終不得以高勝也光
明頂平視亦在曉中然不可分高下至文殊院則峯
下腰際可摩頂而受之記矣要光明以遠擅蓮花以
高擅天都以奇大擅文殊以奇奧擅散花塢以幽擅
又云天都險莫能上自普門師歸其巔繼之者惟雲
水僧一十八人集月下登之歸而幾踵躓者四又次
爲李匡臺登而其僕亦隨險幾斃自後遂無至者近
踵其險而至者惟余偕四人石雨上傷臂指葉西下
幾失身壁下惟余與棧西無險棧西所至讓余先踵
余而至惟度石梁稍慄餘雖極險無矜張色然而還
則實崎嶇極矣

青鸞峰爲天都之輔高八百五十仞狀如青鸞蹲侍從

僊燈洞對之儼若大臣端笏而立又若天女靚粧觀
帝真奇觀也峰頂有石如羽士趺坐謂僊人打坐石
紫石峰近青鸞峰高六百仞石色純紫如玉
鉢盂峰近鍊丹峰高八百五十仞狀如覆鉢

桃花峰近鉢盂峰高八百仞下有桃花源桃花溪

朱砂峰高九百仞純骨無膚宛若削成山色如朱砂石
泐中間生蒼松丹翠交織亭午日光映之采色絢目
是山也而葵鼎之矣是石也而錦綺之矣

獅子峰在硃砂峰西南高五百仞首大於趾厖然雄踞

有拉虎吞貔之勢因其形似峰以之名曰獅子峰

吳康侯云獅子之西爲石鼓峰石鼓之後爲鐵線潭又西二里許爲慈恩庵則三海門在焉海門之奇彷彿石筍而直劈萬仞西向爲飛來石越鰲魚峰至平天石爲海子平天石者前後海所總分也石之絕頂高阜曰光明頂秋空澄霽凡日月出沒霞彩孤飛長天一色及夫積霽新晴朝曦高映山雲布護湧雪堆綿橫波疊浪俄而青螺點點矗立銀濤之上是名錦海

王堯云光明頂蒲團松偃其趾詭異天成頂居蓮花之背小岫聚如菡萏曰九子也類藍沉於天末曰匡廬也練帶鋪而不定雲氣時欲掩之曰楊子江也白嶽寸嵐亂山寸綠兒孫臺隸紛披後先寥廓之觀舍此復何同哉

蓮花峰在硃砂峰北高九百仞石蓋中尊千葉簇簇如

辨竝峙諸山皆及肩而止無敢爭高者而徑尤窈窕
遊人緣莖而升穿孔而出紆迴傾曲始達峯顛下視
萬丈絕壑右望江水甚黃左望海氣甚黑

千仞之上有洞如規洞間樹影婆娑名月裏婆娑
蓮蕊峰含苞未舒奇峭不可登上有石輪又名波雲
峰

顧異云從觀音石起蓮花峯仰而升者幾百仞忽巨
石如懸當道似無路援援數百武始得緣入折行而
洞豁如也又三折窺圭竇窺複遠而啓一門轉危巖
跨二壑爲結方處廣與飛梁接廣不踰尺其倚凌虛
無敢乘之下視者自此望峯頂有石辨二如陸葉飄
空倚丈木而梯之若綴絲山泉激其趾足皆浮動能
持身命至此可畢登此峯誇健勝矣
交蜀云峯頂勢如龍背至頂凡三層
江晉叔云行過舊無名了循左麓折上石階階盡石

突光滑却屢屢卒不却抱石屈伸寸錯寸死再轉險
愈酷石忽中裂一弓許以木架之度此折折卽絕壁
嵌梯者二梯半朽人每懼不敢上摩膝而登乃蒞峰
頂峯巍然中立環視萬峯而面皆蓮此峯爲衆蓮母
東顧天都獨不相下環齊楚雄顏兩大並尊各執牛
耳其他諸山江黃滕薛崩角拜稽周家王會夏氏塗
山莫此遇矣

方沅云趙蓮峯斗上斗下剝紆數里得蓮蔬峯前在
院視有長髯星官如手案隨至復變而峯頂有石舟
石龜弄雲天半者近亦障之然自脊以下一剝萬仞
如豎天柱則蓮蔬獨奇背蓮蔬上愈奇愈高愈險行
無路則縶級級竊則穿腹腹阻限則度橋橋轉忽援
梯梯一至再則試跨級容足之趾身懸萬仞半峰息
俱泯橋半實半虛梯危無容棲手奇險備歷而後蓮
花之奇始償也向之見蓮峯者此無見也無適非見
地實盡空來仰同天語蓮花一峯不謂之至高不可
也坐久下懸蓮蔬蒼蒼頽俯逝下岡仰懸殿月坎似
欲復半虛丹葉影之止岡竹松日曷愈神北岡下雲

梯步百竇千也陡如竿窄如櫛級高如林上九天
九淵目眴者無敢語人目注級若無身也予時尚肩
襖被松奇奇之石詭詭之食蔬數餐矣下憩者數歷
險之餘險悉忘之然雲梯之松秀不容口雖寐不忘
也

吳之騷云峰如蓮瓣析之可爲三峰遊者率登其一
余叔廷簡太史曾登其二累石爲塔今尚存

石人峰在蓮花峰北高七百仞峰形雖小頗險峻

雲際峰在石人峰西南高八百八十仞濃雲濁浪障蔽

千山獨茲峰一尖遙標海外矯矯子子不在欲浮欲

沈之中

登障峰在雲際峰西高八百仞層霞累玉如猛風吹紋

聚皺成疊如展如屏望之如元后當宁而立峰之下
有白雲谷

浮丘峰近疊障峰西南高九百仞峰頂有浮丘翁僊蹟
浮丘峰驗東則平天缸長三十丈而豐廣三丈平橫
如几翠松數株蕭森垂蔭又東則光明頂巔秀霞表
高懸天半不獨點之方嶺峭峰可俯而憑也卽吳楚
山川亦可遙觀又東爲五老峰爲飛來石爲石筍缸
容成峰亦九百仞與浮丘峰對峙爭雄相傳容成子常
遊息於此俗名容溪峰

軒轅峰東連容成峰高八百九十仞峰頂有石室有石
座有石几相傳黃帝受胎息於容成之所或曰斥帝

諱以名峰其人草野其失不學矣知言哉

僊人峯在軒轅峯東北高八百六十仞按僊記註浮丘
與黃帝遊此雙石如人一坐一立高十丈冠服儼然
峯下石壁高五百餘仞巉削無階猿鼯喪其捷巧惟
登紫石峯可以遙望而見

上昇峯近僊人峯高八百仞上昇何以名因人也昔有
阮僊翁於此上昇故曰上昇也上昇何以名因雲也
峯常爲雲所擁浮浮沈沈無定形遠望勢若上舉故
曰上昇也峯上往往闕鈞天之奏似遠而近似近而

遠聽之者曰天樂來矣天樂來矣山中人質稱之則曰阮峰

清潭峰近疊障峰北高八百仞下有潭水澄碧無石沙粒粒魚影影可計數也按舊志卽消搖溪

翠微峰在清潭峰北高八百五十仞嵐碧到地松青到天峰之上一色也凡山椒皆以翠微名茲以名峰者概從同峰從獨

僊都峰在翠微峰東高八百仞按神僊補闕傳點山北峰是神僊游處時有形雲擁護白鶴飛翔

望僊峰在山北連僊都峰高八百五十仞按周書異記
黃帝容成浮丘於湯池見一珠函一玉壺持歸石室
飲瑤漿披霞衣簪寶冠躡珠履須臾帝乘飛龍前引
綵幢珠蓋三僊飄然從峰頂上昇山下人望之聞彩
雲中有絃歌聲故其地稱望僊絃歌二鄉焉

九龍峰在望僊峰東南高八百仞曷爲分一峰而言九
龍也記見也視之則峰察之則龍合而言之則九龍
山通體一巒耳纏糾蜿蜒於九龍知山之靈於飛龍
悟山之動

從三游門可窺峰下石廩石田蓋依稀見之

聖泉峰在九龍峰西南桃花峰東北高八百七十仞上
下大中小狀如腰鼓絕頂湯池於鄰峰觀之勢甚騰
沸從東南逶迤而下流入湯泉源甘泉溪按周書異
記浮丘公謂黃帝曰黠山中峰之頂有湯池水味甘
美可以鍊丹煮石蓋指此

石門峰黠山之中峰高八百八十仞兩壁夾峙如門溪
出門下若水闕焉

碁石峰在石門峰畔高八百仞俗傳浮丘與黃帝對弈
之所境最幽奇

石柱峰在基石峰西北高七百九十仞亭亭獨上刺日
撐霄其形儼如天幹

雲門峰在石柱峰南高八百八十仞雙峰巉削相距不
遠雲氣常從中過在山視雲爲無心之物在人視雲
爲出入之門雲門標義庶幾灼然乎

布水峰在雲門峰西高七百八十仞布水飄曳如練高
出雲端天晴雲卷峰隱萬峰中孰從辨視於是知布
水峰之奇奇以雲

石牀峰在布水峰東北高八百五十仞上有石牀橫陳

如白玉琢成其平如砥行住坐皆宜不止臥得也又有紫石牀三碧石枕三相傳爲容成浮丘二子侍帝寢息之所下有石室深十餘丈

丹霞峰在石牀峰西南高八百九十仞峰壁悉赭色若紅雲之秀天上亦有石室

雲外峰在丹霞峰西北高九百仞峰之上多杜鵑花雲海鋪時衆峰俱沒獨此峰浮出雲外或云峰在山西盡境遊人多瞻天都蓮花往往遺此因得遂其雲外散逸不受人間顧問亦一義也

松林峰在雲外峰西高七百仞山頂多產蒼松無它樹
一按松史記曰松百木長也而守宮闕其材小者椽大
者棟千年則子黃味似栗分其氣於他處生苓其脂
一名曰肪黃山松以石爲母以鐵爲幹以針爲鬚以
苔爲鱗以炷以瘦以偃蓋爲古雖松不可以常松測
紫雲峰在松林峰西北高八百九十仞時時有紫雲籠
之雲恆聚而偶不聚其暫雲偶散而恆不散其常峰
曰紫雲言常也非峰之似雲也非色之爲紫也

芙蓉峰在松林峰西高七百五十仞龍從峭拔青天削

出芙蓉惟此峰足當之

飛龍峰近芙蓉峰高八百七十仞峰之形龍也其騰者則飛曰飛龍疑似耳山川出雲烏知塊然凝然者之不爲龍歟

采石峰近飛龍峰西高六百仞下多白石如玉陰暗之夜卽見可煮食布水飛下雨後聲澎湃如雷

源 凡三十六源

源與溪異乎曰異源者邇之之辭也言原不言委溪則槩言之之辭也原委兼舉之矣峰之界處皆源源大而

而渡則溪遠而流洪源小而淺則溪短而流渴

鍊丹源在鍊丹峰丹臺之下鍊丹水出焉飲之令人壽
香谷源在天都峰下長聞異香馥郁不辨薔薇凡辨香
以少蘭蕙之屬以清梅荷之屬以濃桂娑羅之屬以
異則不知何屬

採藥源在清鷺峰下山涯水滸藥草生焉相傳爲黃帝
採藥處

湯泉源在紫石峰下源水流入湯泉溪

擲鉢源在鉢盂峰下一名丞相源淺三十餘里相傳爲

宋丞相營菟裘處或云陶學士石刻尚存

桃花源在桃花峯下從源邇而上石潭如釜爲藥銚上
別一潭豐首銳體爲藥瓢又巨石束流如矢望瓢中
的卽藥溪沿溪至蓮花庵

余書升云溪中通見一石仰峙下銳上平水經其前
就視可坐二十人餘餘一潭四面皆大石殺殺後倚
臺石有竇可通爲拱案遂從庵內取運登焉古樞籠
罩如蓋隔溪一巨石正對巖立巖俱數丈爲竇之屏
出竇登石尚離數尺余通溪流過此水遂前後遠乎
石竇宛在水中

又云水行十里許始至日與白龍潭異源大不敵白
龍潭故潭刻溪此爲澗上流多亂石將至日澗底忽
現石骨無土石束水爲箭流稍行而下壁石較起水
淙淙如碎玉兩池納之池隔一壑爲二非壁破水散

落則池不能均受合流再下牧割滑膩直溜曰底曰
心徑丈圍邊厚不數寸外臨溪墜左壁裂一小洞成
日完體潤半石瓢石井仰受曰流水環曰一度抵洞
始去不則不入瓢人井矣夫石之奇巧方圓曲折皆
石之變化所至水不過肖石而流物付形也即水色
濃淡亦孰非石淺深爲之深奇者往往尋石稱水不
知石并不知水矣俗呼石曰爲渠填拘謂不足發
又云溪始自湯嶺一往俱亂石水乘隙而行至白龍
潭始有位置然此溪之石不得位置則亂得則天然
布設勝人力萬萬矣白龍潭至湯泉里許皆非常大
石昂藏障立到處成一丘壑幽曲有致由溫泉至逍
遙亭二三里凡八九潭色質態狀不一極有快心者
朱砂源在朱砂峯下源淺莫測惟聞水聲潺潺然汪公
樂和曾窮其源不能至

香林源在獅子峯下源中嘉樹林立時發芬烈之氣山

中古木屑之皆香亦一奇也茲林殆不異栴檀者

蓮花源在蓮花峰下水流入朱砂溪與桃花溪合

白鹿源在石人峰下源中昔有白鹿奇毛勝雪人獵之
莫能獲

乳水源在雲際峰下味甘如乳下有布水流入白雲溪
陰阮源在疊障峰下終古不見日景涼風肅肅凌人雖
有四時似缺三伏源水東流入白雲溪

五雲源在浮丘峰下相傳浮丘公於此乘五色雲去

紫煙源在容成峰下常有紫煙籠蓋是靈氣之所聚也

相傳谷成子曾遊息源中故源中多遺蹟

紫芝源在軒轅峯下按周書異記黃帝曾於源中採紫芝迄今紫芝叢生

浮丘源在僊人峯下峭壁巖巖上有祖下有苓按祖葉似杏而尖材可爲弓弩苓今甘草是也或云似地黃
阮公源在上昇峯下

布水源在清潭峯下山原喬於水聲茲地上承靈液澱瀝之韻悠然猿鳥不枯松石咸潤枕流漱石之客耳
根苦喧不苦寂矣

翠微源在翠微峰下僻澗上夾青天僧影盡碧

僊都源在僊都峰下

龍鬚源源在望僊峰下源中產龍鬚草長者可織席

九龍源在九龍峰下險同蟻室朗晨霽午山雨欲來

甘泉源在聖泉峰下淙淙然如奏笙筑者泉聲也茸茸

然如鋪繡綺者靈草也酌之泉味甘美

石門源在碁石峰下山如門石如棖一徑坦坦爲雲車

鶴馭犁雨綸烟往來出入之所是曰石門源兩峰緬

然與青霄連接殆所謂重關天險者也

碁石源亦在碁石峰下採藥人往往聞碁聲持柯而進
冀庶幾一遇之

石壁源在石柱峰下中有石壁峭舉日近雲高故源受
斯名焉

雲門源在雲門峰下雲門峰俗呼剪刀峰蓋志不之名
而見山者咸以是名名

百藥源在布水峰下源名百藥藥實不止百也辨者采
不辨者不采采不若不采者之侈也本草圖經恐亦
未經物色

石室源在石林峯下石室深十餘丈爰居爰處人世間
小歇脚塲真安樂窩也寄語死心學道人當無爲青
山白雲所待

紅朮源在丹霞峯下通源生紅朮陰陽結氣服之長生
杏花源在雲外峯下曰杏花天以春雨也以夕陽也曰
杏花村以流水也以酒家也曰杏桃源源也皆杏花
矣山之香水之色藍紅始之飛白終之

黃連源在松林峯下源中多產黃連

柏木源在紫雲峯下源中多古柏人行松中風來柏子

落其聲丁丁然柏之枯掌片片滿空山其音踔踔
然柏之翠目及之柏之香鼻入之柏之陰身受之柏
之形幹柱焉枝欄焉葉屏障焉人得而擬似之近源
人家爲室爲器爲薪皆柏也而柏不減其多豈玉衡
之精獨鍾此地耶

白馬源在芙蓉峰下相傳黃帝遊行之地溪南有馬蹄
石

百花源在飛龍峰下奇葩異夢種種昔人詠野花食客
三千皆失姓古詩十九不知名二語可爲此源寫照

白龍源在采石峯下有布水自上趨下如素虬倒飲故其聲怒而遠聞

溪 凡二十四溪

洗藥溪在鍊丹峯下搗藥石曰石杵儼然尚存

香泉溪在天都峯下白石齒齒出鳴瀨間水因石石因水水香愈浮石色愈麗

湯泉溪在紫石峯下按歙州圖經黟山東峯下香泉溪中有湯泉

桃花溪在桃花峯下桃花世傳黃帝所植三月盛開謝

時花片滿溪如霞光電采溪下注湯溪上泄蓮花朱
砂白雲陰阮諸水雨漲則浪駭濤奔晴久漲落則積
潦沸騰飛泉灑激沮石成潭爲碧玉爲玻璃爲靈氣
爲秋空溪不一潭潭不一色

朱砂溪在朱砂峰下水東流入湯泉溪

白雲溪在雲際峰下水東流入桃花溪

浮丘溪在浮丘峰下俗名浮溪進溪山行寥廓無際磧
穿兩山之腹老梅萬樹糾結石罅間約十里每當春
夏之交梅始花梅子大如巨桃山民雖知之無入林

採之者年年溪壑中聽其潰爛而已水東南流三十里與曹溪合

曹公溪在黃山之東腋左阜莢嶺右雙嶺曹公不知何時人於此得大還去溪曰曹溪公獨有也

容成溪源出容成峰下俗名容溪溪去峰七十里上有容成臺行人過此臨流弔古有蟬脫人間之思

紫雲溪在軒轅峰下常有紫雲不散按舊志傳有釀酒道士僊去

阮公溪在上昇峰下溪太古無名稱因阮公得名近縣

縣界二十里而合浮溪在雲門峯前

逍遙溪一名錦魚溪在清潭峯下溪有三源合而溪溪下多潭上多洞洞奇潭尤奇洞石或白或綠或紫潭形或曲或方或圓其色於溪爲最就石置足爲涂雀躍蝠旋狼顧猿接不一狀溪中水石障之寒之必擇僻趨壘磬折參伍而後去其去也不以順以怒不以脩以促稍舒如初溪口落落數家因畏虎皆遠徙以故終歲虛無人焉聞探源至七八里者會日暮路迷羣坐石上見數處火光燭天因大恐昏黑中攀援踰

山十餘里乃達石筍石

青牛溪在翠微峰下昔人於此逐青牛入水不見按漢書及五中記青牛萬年木精

弦歌溪在望僊峰下溪水之聲在下步虛之聲在上聲有時獨焉有時共焉非時時常共焉故聞之者有聞有不聞

九龍溪在九龍峰下溪流善折望之如神龍之夭矯甘泉溪在聖泉峰下水極清冽掬而飲之甚甘

石門溪在石門峰下

雲門溪在雲門峰下溪水從二峰中流向東南

紅泉溪在布木峰下溪水紅色按謝靈運賦訊丹砂于紅泉疑有紅泉處卽產丹砂

丹霞溪在丹霞峰下時有流霞隨水出故名

榆花溪在紫雲峰下溪多榆故名水流入湯泉溪口按榆毛詩曰隰有榆榆腴也先生葉後生莢莢如小錢初生捋食之色變白時落錢滿地有姑榆有粉榆有刺榆有郎榆有拘榆凡數種葉莢皆相似皮與理異惟郎榆無莢榆材堅可備器用

飛泉溪泉出高原激迸于石散爲大珠小珠飛灑入溪
溪光因泉而碎人立其上影搖搖目閃閃不得澄觀
松林溪在松林峯下凡峯之麓多溪溪從乎峯也凡溪
之中必怪石必奇洞峯奇溪之洞與石俱奇也松林
溪可坐者石可觀者溪中峯影而不可登者峯峯不
可登可望峯之松不可撫可聽欲聽松濤者莫善於

松林溪

白龍溪溪水明瑩若冰壺山光樹影草色鳥跡獸踪咸
攝入水中是溪之能也沈於上不見於下謂之濁沈

於上畢見於下謂之清清竄溪之能哉

洞 凡十四洞增二洞附見一洞

僊僧洞卽僊燈洞在鉢盂峰下洞前有溪取逕丞相源
二里可至高數十丈縱如之橫殺之一壁下隔爲二
各廣四尺有奇洞乳滴若雨試之甘冷陰暗之夜洞
口有燈朗朗如星月人謂之聖燈

朱砂洞在朱砂峰下洞如仰盂泉漲時有丹砂出焉

錦霞洞在獅子峰下錦霞時時密布日光穿之輒成異

彩

蓮花洞在蓮花峰下洞方廣三丈許右劈一峽聳絕凌
洞巔級而升前一峰突立如插圭正當洞門頂如二
指形名曰招月巖旁一樹與峰相竝如翼衛然

駕鶴洞在石人峰下相傳爲浮丘公駕鶴處

藏雲洞在雲際峰下遠望洞口常蔽雲霧中遊者至此
多迷惘不得入

容成洞在容成峰下相傳容成子所棲上昇之後與府
猶存寶篆丹書無敢捫讀

倦人洞在軒轅峰下以宅僂得名趾留名山不異天上

故不在拔宅之列

翠微洞在翠微峰下爲隱者念一舊居今無人矣

弦歌洞在望僊峰下洞中嘗聞弦歌之聲故名

九龍洞在九龍峰下洞因峰名有穴無路與之足者不能至與之翼者可至

狼豹洞在石門峰下一名蒼豹宋時有蒼豹棲此按泰山多赤豹幽都之山有玄豹屠州有黑豹白豹古未聞有蒼豹者有之自洞始

百花洞在飛龍峰下洞前多異花宋石應孫有詩

水簾洞嵌湯寺右崖上深三丈高二尋廣七尺而儉石
色黑白相雜瑩潔如玉登山三里許稍見林木亂石
曲折峭壁橫立水淙淙落如簾右轉逕窮石梯天成
險梯里許抵洞洞盡有子洞如龕若彼堂此奧然洞
外一水下注冬夏不竭出洞左折懸巖乳垂摩壁行
十餘步復有二小洞中隔如堵牆爲餐霞洞二洞正
面天都諸峯軒轅碑在洞右與馬蹄石近

巖 凡十七巖增九巖

朱砂巖在朱砂峯半壁此巖之已 而出者中產丹砂

無運人不能獲按神僊補闕傳浮丘公黃帝同取此
砂鍊丹故天下獨貴之

華蓋巖巖前可望朱砂洞巖觀河洞亦觀巖巖之奇較
遜於洞故洞常爲巖所觀

石乳巖在疊障峰下巖中多石乳凝膏下垂餌之最良
者也俗呼爲滴水巖

月脇巖在趙州庵左昨

毛人巖在軒轅峰下樵翁遇僊化成毛人詳人物志

阮公巖在上升峰下相傳阮公修鍊處

龍鬚巖在望僊峰下相傳羣臣扳黃帝龍顏墮地化成
龍鬚草巖上今猶生之

九龍巖在九龍峰下巖上欲墮不墮下欲仆不仆前
臨溪澗碌碌不可丈尺仰矚俯視鮮不爲之躊躇矣
猿猴巖在石門峰下峰旁時有羣猿交股連臂飲于澗
或攀藤緣木嗥嘯不常人從樹下行不相惶怖則已
稍取木石擊之輒遭其侮禦以火藥或舉火燒烟薰
之始逸去巖乃其窟穴故名

石樞巖在松林峰下巖上樞樹甚奇古數十年一實子

如花色其味甘按石榴花枝果大者名安石榴張騫
於大夏得種來廣雅曰若榴也花於孟夏地寒少遲
花紅者榴少花淡者榴多

白龍巖在采石峰下石色純白橫亘如龍

虎頭巖怪石蹲道如虎在香泉溪上巖一名山君不如
虎頭爲佳

觀音巖在老人峰道中石黧暗古樸與朱砂洞對顧名
思義不可得豈法華經偈云諸佛滅度已乃至童子
戲聚沙爲佛塔皆已成佛道茲巖卽謂之大士化身

也亦宜

慈光寺右折悉從高柯傾曲而度巖窮澗接復沿巖
傍澗春夏之交山花綺望異草萌茁行人坐石臨水
不記入山五里許曰觀音巖巖下可盤十數人過巖
忽啖林綴曉廣石疊逕自此以行步步仰睇天都

佛掌巖從慈光寺普同塔進里許有石指三四儼若如
來舉金色臂舒光明拳雲間顧認題曰佛掌

法水巖在大悲頂

將隱巖在師子林從絕頂南下見巖前二石如寒山拾
得欲避岡丘之頂禮將入石縫而未開合時黃習遠
以將隱名之

爛柯巖從獅子峰前遙見巖上二石如二人對弈石枰
方正弈子楚楚惜旁無觀弈者名曰爛柯似未當欲
以對弈易之

石室 凡五室

天都鍊丹軒輶丹霞石牀五峯皆有石室惟天都最奇

臺 凡四臺 屢藥臺見鍊丹峰

鍊丹臺從鍊丹峰下行數百武至臺石皆紫色平敞曠
衍如坪容萬人自右稍降臺俯溪壑乃鍊丹原也羣
峰咸從源中拔起仰視天都疊障諸峰如朝參座位

臺端然一小峰名紫玉屏亦崛然拔地而起端共乎
臺如几案間物餘峰視此側矣黃山峰多以偏仄險
絕示奇臺獨平曠可喜臺下復變眩百出宜涉海者
歎觀止焉

方士翊云翠微僊掌雲門諸峰各負勢不相屬而齊
列于鍊丹臺非聳身雲表無自置其低昂每一奇石
卽一怪松侍之諸峰獨翠微峭挺若開後海羣岫之
祖

容成臺在容成溪

文殊臺在文殊院前石恰受跌一石畱臥卽普門夢地
也登斯臺者見千峰萬峰降首竦息恍兮惚兮如出

世外尋真師如入夢中通僊界不復知此身之爲誰
者臺一名夢像臺

立雪臺在文殊院右臺畔有石如鶴

溝 凡二溝

蓮花溝在蓮花峯下從頂至足級若萬計視其巔從山
禿脊騰空壘上一級涉虛萬級齊下梯盡清磬一聲
出雲端則大悲院也路傍泐松甚奇餘松根長石罅
中皆獲永其遐齡

姚文蔚云蓮花溝四面環翠如在蓮花瓣中山崩裂
數十丈好事者置杙其間躡之如履虛兩手攀木膝

與嶺接梯蓋益上幾及蓮花峰頂
羅逸云蓮花溝皆破壁而走由溝而上皆險徑獨嶺
齧膝級不如趾顧有戰栗不前者有仰泣而返者是
山峭骨無膚嵌峯硎異當險絕必奇絕非有濟勝何
能探此宜載肉者不能登也過此從石罅中行衣擦
壁輒桀桀有聲百餘步始出拘折而上縹緲間則海
子也上多塵沙風湧如浪豈所謂砂海者耶

桃花溝在白龍潭上

泉 凡十七泉

百丈泉自湯口行三四里卽過此幽篁古杉漸逼峭蒨
又三里至湯泉

湯泉在朱砂峯下長丈許潤半之泉口大如碗涌沸石

間雖冱寒如溫春時色微紅蓋朱砂泉也水過熾石
罅別出寒泉流入池溫涼正適屆冬則涸讓池之溫
池左畔碧蘚紫軟一竅流垢駛瀏靡停隨滌隨潔浴
者快之池上天生片石覆池之半爲泉广居然僊琢
嘉靖中溪南某鑿石砌亭惜哉去池數十武有泉窟
亦芳溫可浴尚未池疏之鑿之是在後之好事者黃
帝浸泉七日上昇并朱砂發靈事皆見後

汪師孟云東坡所記湯泉秦州駱谷渝州陳氏山居
秦君所賦東城及匡廬汝水尉氏驪山惠州湯泉共
有八矣今徵之黃山閩中劍浦又有二焉各處皆作
硫黃氣惟黃山有朱砂湯泉故朱彥游湯泉詩有嵩

陽若與黃山並猶欠靈砂一道泉之句

附錄 劉侗云攷湯泉或曰赤道經之王褒湯泉銘曰白磬上徹丹砂下沈或曰下有硫黃以爲之根其臭硫也而味正淡西洋熊三拔水法曰湯泉硫之華疾寒服硫不若服湯泉其實由地氣燐氤溫涼之微變故壤爲之硫泉爲之湯豈根硫也西國有山焉七十餘泉皆湯國王試得其性味氣各所主治各標藥泉以教國人不獨硫焉蘇門答剌國境布那姑足山產皆硫黃不聞其泉湯也又水火者陰陽之氣精陰得質而陽得氣爲泉爲湯陽得質而陰得氣爲礦爲流然而水性非熱火性非涼湯泉以貯器還涼蕭丘之涼礦以燃物還熱唐劉餗曰江寧縣寺有晉長明燈歲久火色變青而不熱質存氣易此可徵矣

周禮疏云按湯泉可考者廣志載一在新豐一在廣平吳郡錄一在始興山一在零陵一在宜陽南鄉荊州記載一在未陽博物志一在不周雲川名勝志一在澤州一統志一在赤城一在蔚州一在孟縣北一在商城南一在汝州武后常臨幸汝州一在歷山一

在七峰山一在漢水南郡國志載一在宜春南一在
銀山縣一在漢水西南昭明太子曾浴此續征記載
一在東萊郡一在武功太乙山一在萊水源一在沔
池東坡詩紀天下溫泉以鑿山爲最若分寧臨川崇
仁安寧寧州白巖德勝開浪穹宜良鄧川鹽陵京山
新田三泊凡數十處而安寧爲最黃山拓州亦有之
閭中尤多皆作硫氣人有赤者浴之輒愈竹木浸一
宿則不蠹蓋琉黃能殺蟲故也惟安寧清澈無硫氣
有人見泉水赤如血浮砂片乃知溫泉所在必白礬
丹砂硫黃爲之根乃蒸爲菰耳水經註載一在滎陽
郡北九域志載一在遵化縣之福泉山下湯泉最著
鑿山最潔香暖最熱遵化
吳鶴孚云湯泉考已載者不詳按滎陽記鶴籠山下
數十處礬石若砌水淺尺餘朝夕溢出時刻不爽朔
望尤大號爲潮泉零陵志零陵縣出湯泉界石分流
其陰寒其陽溫丹陽記丹陽縣湯山有三溫泉述
征記東萊郡溫泉恒沸烏陞縣湯山記主簿山胡
郎廟南數里有溫泉安成記宜陽南鄉出溫泉梁州

記漢南溫泉熱可熟卵未至泉二十里便見白氣貫
天荊州記新陽縣出溫泉宜都山川記銀山溫泉注
大溪夏纔幾冬則大熱始興記靈泉源出溫泉有細
赤魚出遊莫能獲由明錄艾縣韓山其泉半冷半溫
二水同壑冷可消暑溫可禦寒又按一統志滇中溫
泉非一惟安寧州碧玉泉最勝訪之親歷者水中一
大石石中一穴相傳碧玉產此其泉內外皆溫可鑒
毛髮古稱藍田玉暖是玉之生處泉亦溫也黃山芳
冽惟碧玉泉差可與並則點泉豈不甲天下哉

法眼泉在慈光寺可供鉢鉢有片石如雲當之曰闔石
常留此泉在山中法眼一宗於今未墜

錫杖泉在鉢盂峰下東國神僧卓錫湧出今在雲谷傳
供堂前所云靈錫泉者是

天眼泉在獅子峯小泉滴瀝雖亢沴不竭其味甘

瀑布泉在雲門峯下石林雲起玉木布飛遊人望樹頭
百尺大聲出其間者瀑布泉也立其下耳爲之震語
不得聞

飛雨泉從湯寺遙望山高泉落其涼散珠玑最爲可翫
朱砂泉在朱砂峯下相傳軒帝取水鍊丹處

罍瓶泉在石門峯半壁壁有石瓶狀如杓柄中有流泉
出焉

勝水泉在蓮花峯脰微有泉脈安公疏泉成池吳趙朱

驚取經勝連義題以勝水

千秋泉泉甚清澈

丹泉在鍊丹峯僊人橋水無定形無定色亦無定名在
佛爲法在僊爲丹飲之者果能知味謂泉可謂丹可
卽謂一滴水具四大海亦可

聖水泉自湯寺溯洞桃花溪二里可至又二里爲鳴絃
泉

鳴絃泉由丹井上平里有石若舸對岸右皆懸石絕壁
壁下有橫石長數十丈狀如琴中空豐左殺右泉從

絕壁拂弄上裊裊有聲

從鳴絃澗逾一隅有大石可跣坐望僊石橋梁洞又
百步雲梯前亦可望從鍊丹臺直望橋眼有五更爲
奇觀近橋有柏紅紫望鋪翠足人耽悅近人處有登
者歎爲奇絕若圓經載唐陶元中見鍊丹峯長三十
餘丈近代謂見蓮花峯西南又謂有采山人宿橋下
聞橋上笙歌聲天明覓橋不見此皆虛誕其說夫僊
石橋豈幻境哉

落星泉從停雪石入谷行半里有泉深然勢如遊龍飛
虹雪翻谷鳴注石而成科坎者三盈科復下衝激而
成坎者五曰落星泉卽今鳴絃澗澗名而泉隱人能
名澗不能名泉也特表出之

三昧泉近天海庵其水清且慧滑

秋泉在石筍左左壑右臺下天成二小池可畱水三四
斗不事甃治余書升獲於立秋日因名秋泉

潭 凡十一則

白龍潭在白雲溪由祥符寺左小徑徑盡得潭相傳黃
帝取潭水鍊丹咸白龍見因名潭水淡作碧黝色得
日如璽得空如晶澄澈可畏方廣十餘丈深不測高
三丈有奇僅以數石累湊而成可想見石之大更幸
此大石無一落潭中得成此奇也水從疊石乘高而

下一石仰承對潭之鵲假從潭畔側落亦不壯觀矣
洶湧之勢凌空噴射徧溪見水不見石藥銚水亦入
潭中流入朱砂溪合湯泉溪之水而其源益盛
百丈潭在紫石峰下潭水乘崖下瀉趨乎急澗分映脩
林如積雪之未融如亂雲之初起

清潭在清潭峯下一云卽逍遙溪

桃花潭在桃花峰下水流花開別有天

九龍潭丞相源道中可望百丈潭直落巖下下注淺
潭潭壑爲九或方或圓殆類盤成朱色澄虛徹底淺

碧漸至其頂潭復在下

方夜云逍遙溪丞相源以洞勝遊者至丞相源見山稍平行輒不得意而去卽丞相源一洞已不能窮何論他洞九龍潭在丞相源下苦竹溪上洞落爲瀑落爲潭潭復落爲瀑九疊也故名九龍平時洞枯水緩則潭色澄碧如懸片玉遠觀不暢雨過則水急潭湍盤旋飛挂眞白龍矣遙山煙雨俱若爲潭所攝又云黃山千仞成峰落卽成洞故山中無洞不峰無峰不洞余行洞中常不循峰徑行巉巖壁而上上則無不齒其巖曳杖而下竄洞而無不窮其變遇潭遇湍折旋絕則又連數林茂而反洞稍平復落洞行洞石磊落水瀄急相逐照爲溪而過淺卽成潭折卽成瀑奇變不竭幾與此山爭勝

逍遙溪諸潭盈溪皆石石隙皆潭潭行止不一色行者

銀鋪止者黛蒼懸高望之有若衆星之繁於地

鐵線潭在石鼓峯後千峯幽窈神龍宮之歲旱投黑金
投龍眠霖雨立應一云潭號赤線卽黃帝探玄珠處
五龍潭在松谷溪中緣澗而上者二左黑龍潭右白龍
潭左窟形如方印其色黝黑以鑒澤或以水流澗中
鏗然有聲宜名漱玉右在路傍形狹長如拖紳名曰
流翠又以玉檢呼之合洞而源益巨砵砵洸潰不可
名狀上潭黃龍所居其名珠澗下潭則青龍偃伏其
底曰瓚玉曰空青曰澄碧不一名巨石亘其後水潺
潺出石罅中下注於潭以綆約之淡倍尋其中青翠

可摘璀璨奪目水味酷似揚子中溪泉或謂過之最
下實稱油潭其色綠因名曰懸黎共五潭是溪魚有
四足與龍分地潛蟠不侵不擾

方夜云入松谷看青龍潭坐石上望潭無語可贊無
色可似人多與黃龍潭並稱黃龍潭雖不及青龍潭
然蓮石而上沿而下大亞於青龍潭而淺碧與青龍無
異者不可什百計天下色至此極矣當無復有出其
上者余輩性耽水石志欲搜覽宇內至此則一潭若
可了一生也遊者信耳至松谷呼導者引至兩潭上
一觀卽策杖言歸以此多不知松谷潭富

雲門溪諸潭何以書紀其多也鼎鼎者潭嶄嶄者壁青
青者松其地僻其境幽其徑險其潭底劍影可觀也

視之者宜風定時雨晴時雪霽時

石井潭在新羅源口若巨石鑿成者洞三丈水淺無底
新羅源近九龍潭舊志未載

石門潭在烏泥嶺下潭最弘濶

井 凡一井

丹井在白龍潭亂石間井故弁口而淺中其上斜倚大
石如覆護然底若螺旋乃竊五色卵石爲壘中央粹
白者不啻珠玉石上一孔環尺有咫如規測之半仍
清泉冷然率天成無斧鑿痕丹井二字汪司馬道昆

題

池 凡二池附見

月池將至蓮花絕頂一層石平澗如掌一池圓若月窟
中產放光香砂倏有倏無時隱時見清泉一泓具異
味不雨不涸不澀不腐池之下有庵庵之下有柏盤
折輪菌順風所送十里皆香蓮花洞前一池亦名月
池舊有石如蓮心松柏合抱生石旁難附松上故勝
石何年而厓木何年而伐今則枯藤半挂小樹平巖
而已

流杯池今失所在

石 凡四十四石

杵臼石在鍊丹峯下洗藥溪中相傳黃帝用以搗藥者
迴瀾石在桃源溪中泉奔而觸乎石石不勝水則爲頽
波爲狂瀾巨石砥之其行也紆徐磬折趨下之性爲
波轉瀾回矣石之爲功於溪也大矣哉迴瀾石三大
字御史江東之題石具種種異色頗奇

藏舟石亦在桃源溪中石首尾如舟藏茲溪壑誰爲大
力者負之而趨

彈琴石水簾洞中石也今昇置桃源庵石方廣厚薄如
琴磚因聽泉久能發琴聲一室鼓琴衆山皆響

朱砂石在朱砂峯下

龍翻石由東溝茂林下歷觀音巖卽見

雙龜石在石門峯兩山相通山半壁有大石橫架其上
兩畔相對各有一大石牀如龜形長數丈通人行中
又有石塔圓如月四層址圍二丈高三丈上天下小
狀如刻成蓋靈僊所建也又白龍潭側一石類龜間
曾與龍鬪頸爲雷斧擊斷近歲斷處幾復合視之良

然

僊碁石在碁石峰唐天寶中有人至見一石碁局布子
相當兩無勝負遂撥開之回視棋布如初後莫知其
處

馬跡石在芙蓉峰下石上馬跡二三十溪者尺淺者二
三寸如印相傳爲黃帝馬行跡

龍吟石在龍吟寺旁從新興寺可至按龍吟之聲若物
戛銅器爲雨微聞擊此石而聲似之輒得雨

猿猴石在雙龜石左側動靜各肖其形

醉石在香泉溪畔側升而逸若不勝栝橈者昔李青蓮
遊此遠石醉呼故名下澗卽丹井

鸚哥石在一線天

薌石在珠湖山下石依林薄四字汪道昆題

停雪石在醉石傍泉淙淙從石壁下下有石石色陽白
而陰黝如停雪

劍石由鳴絃泉谷折而陞有巨石倚巖折裂形若青萍
鱗石在虎頭巖下距丹井僅數武頗有小致

觀音石俗稱觀音灑淨在天都峯麓法像莊嚴中立遠

近左右審視毫不爽變松生於肘如持楊枝僧云能
從此鑿級可躡天都絕巘以是語增長信心一意勇
往必取登峰造極乃爲得之若因此黥其本來面目
則山中斧痕未加苔蘚未蝕者僅一天都亦日闢日
損矣可奈何誰爲我訶其靈而護之當拈瓣香投體
下拜

鶯石在松谷道中松籟靜發時如聞其轉

釣石在祥符寺前鄭師山垂綸處師山又有釣石在富
登渡余忠宣闕隸字刻石朝釣名市釣利我知先生

卻聘後意不在魚

兔耳石俗呼兔兒石近大悲頂登蓮花峰所取徑也左
右皆絕壑石畔可望白嶽遠餐秀色如指掌如列眉
大牌石一名天榜石在松谷道中偃篆數十策策勒勒
非波非磔奇古不可辨識曾有譯得一字者雷卽擊
去再轉則皆絕壁壁半一穴中空類半規可透隔山
天光雲影俗呼天眼豈五丁開鑿時有意拈出爲黃
山點睛耶

馬頭石在青牛溪上昂其首如仰鳴狀

呼龍石在白龍潭側石上刻呼龍石三大字

蒲團石在小心坡上一線天下石平坦若蒲團正對天
都峰一松作蓋遊人歷羊腸蛇徑至此跣足息心易
得乎

飛魚石距一線天不遠鼓鬣排空宛然生動

貓石在蓮花洞洞前奇峰嶙峋如束竹管邊合中鱗當
峰稍亞有石筍筍端石如貓踞兩耳直豎尾背俱全
笠人石在湯嶺上石狀如人戴笠而立西來大意我欲
往而問之

飛來石在海門飛來峰上石高十丈許與下石絕不相
屬爲飛至無疑又穎林庵前小峰如柱石段段層疊
縫合極密至頂兩石立如筇似合實分復一石寄一
筇上恍若飛來視之正搖搖未定風欲掣去又翠微
寺西峯堂側一小石亦云飛來石

茶庵前巨石在文殊院道中石踞山巔當庵之頂崇禎
甲戌七月山水暴漲石隨流止此

鳳凰石文殊院前可望鳳凰鳴矣於彼高岡軒轅之世
或已見來儀之瑞耶

龜魚石距蓮花峰僅數十步石窄而險嵚嵚松檜生石上溪巖四絕猶弱水也鮮有駕筏而度之者

慈航石石狀如航此亦筏喻之義在大悲頂左

法袋石在大悲頂右石如彌勒所荷囊於空虛中橫裹未來三千大千世界絨口不開中果有耶果無耶疑殺天下禪和子

獅石在文殊院右獅性不暫住茲傷臺而蹲當是其踞地時然近視肖遠視不肖固知法王自具神通象石石形如象亦佛門中具大力者在文殊院左

石鼓石在石鼓峯頂峯藉鼓得名

海船石在石鼓峯後壑張若海雲涌如波石其般若之寶筏乎

擾龍石由散花塢鳥道歷二阜巨石聳立石頂有擾龍松

法臺石在師子林右麓石方正平削縱橫皆長丈許如臺上綴一松高僧跌坐講無生法傍一石若聽法者八公石在石筍砦賦形逼似

立佛石亦在石筍砦從穎林庵右隅瞻望慈容如紫金

範就立身峰巔低眉接引衆生得不普度耶

淨瓶石石形若瓶在皮蓬前

波斯進寶石在穎林庵後石貼峰壁宛如波斯凹目高
鼻手貢奇珍皆肖第名稱不雅馴耳

嶺凡二十嶺

湯嶺在白龍潭上岡阜蟠結蓋適焦村孔道也登嶺桀
嶧危巖聳石皆在焉挂瀑勢雄而聲震者上流急也
飛泉爲瀑之餘灑人衣面由嶺至古塔岐而爲二右
過白沙嶺抵太平縣左過穰嶺抵石埭縣

柘木嶺距湯口三里從此至巡司始分岐徑其一從南沿河至芳村抵府城其一從巡司過大河橋歷江村雙嶺取道抵休寧縣

金絲嶺由湯口至脚庵路右折至三汭左折可至丞相源源田應應鳴澗潺潺坦陀緩緩人且行且望且聽雖跋涉頓忘其勞

芹嶺俗名芹菜嶺在湯口從嶺至苦竹溪至譚家橋岐而二一過河至郡城一左陟西嶺至廟首又岐爲二右至旌德孔道左至涇縣孔道其譚家橋直下古樓

均亦可抵太平縣

查木嶺近湯口薔薇花夾道叢生開時燦若黃金

甜珠嶺由嶠中沿溪至水晶庵再進至嶺至金竹阮至
巡檢司

烏泥嶺由三汊出太平縣諸嶺巉峭茲嶺平行紆塗則
石門逍遙諸潭猶可遊

芙蓉嶺在石筍峰山老庵基松谷庵至嶺芙蓉庵在焉
從此歷河灘周村至太平縣

虎嶺由太平至嶺過洋湖度芙蓉嶺至松谷庵

雙嶺明太祖破僞漢時駐蹕於此踰左至歙縣孔道踰
右至休寧孔道

金砂嶺由慈光寺登觀音堂陟嶺眺天都頂有石臺憑
虛背展一屏方正聳拔疑軒后朝羣僊處

三觀嶺在老人峯背普門曰東望文殊院觀文殊是曰
智觀西北望大悲頂觀觀世音是曰悲觀又西望普
賢殿觀普賢是曰願觀遂定名三觀

梅檀嶺從光明頂達煉丹臺道中香鑪高峙百仞石筍
二峯大者不可登小者纍纍竊天而上石數片勻置

數方如戶每方變見呈奇松蟠其上張翠蓋覆焉
象眼嶺在天都麓相傳僊人登天都峰捨象於麓僊去
象存化而爲嶺殊屬荒唐不足信

白沙嶺山皮蓬蓬丞相源道中沙軟滑屨之如積雪

白鷺嶺唐溫伯雪隱此李青蓮有詩贈之稱白鷺岑

尚書嶺在望僊峰西高百餘仞相傳隋末尚書胡祿隱
此

興嶺險嶺而南黃山三十六峯峯峯入望

盤雲巔猷劍龍嵒遊者盤磴而上如入雲中嶺上有洞

可棲三十六峰盡列洞前

箬嶺迤太平孔道延亘三十里接壤黃山八里岡有騎
龍庵爲文齋上人坐脫處

石碓嶺過嶺再度一嶺至芳村

附錄

凌駟云山去款百里山皆石骨而無膚土壁皆懸突而無垣徑樹皆屈結而無伸亭水皆澄淨而無洪波草皆芬潔而無雜息蓮華天都兩峰高出雲表其他諸勢變狀因類獲稱有峯巖洞源溪泉石共名者爲朱砂有峯源溪共名者爲浮丘爲雲門爲石門有源泉溪共名者爲湯有源巖溪共名者爲阮公有源溪潭共名者爲白龍有峯洞源共名者爲翠微有峯洞巖溪源共名者爲九龍有峯溪共名者爲容成爲丹霞爲松林爲紫雲有源巖共名者爲龍鬚有溪泉共名者爲香有源溪共名者爲丹泉有源洞共名者爲百花有峯洞共名者爲僊人爲僊都爲布水有峯源洞共名者爲蓮花有峯源石共名者爲碁石峯有獨名者爲天都爲青鸞爲紫石爲鉢盂爲獅子爲石人爲雲際爲疊障爲軒轅爲上昇爲清潭爲望遷爲聖泉爲石柱爲石牀爲雲外爲芙蓉爲飛龍爲采石源有獨名者爲香谷爲採藥爲鸞鉢爲香林爲白鹿爲乳水爲陰阮爲紫州爲紫芝爲石壁爲百藥爲石室

爲紅木爲杏花爲黃連爲柏木爲白馬有擎源潭共
名者爲煉丹溪有獨名者爲洗藥爲白雲爲曹公爲
錦魚爲青牛爲紅泉爲飛泉爲榆花泉有獨名者爲
錫杖爲瀑布爲千秋爲鳴絃潭有獨名者爲清有擎
源溪潭共名者爲桃花石有獨名者爲馬跡爲雙龜
爲杵臼爲龍吟巖有獨名者爲石榴爲滴水爲虎頭
爲猿猴洞有獨名者爲僊窟爲錦霞爲木簾爲鴛鴦
爲藏雲溪洞有共名者爲絃歌凡計其巖有八潭有
三泉石不及巖一洞十有二倍洞爲溪合溪與洞爲
擎源之數亦如擎數然有一擎而獲數名者有數峰
而獲一名者有擎而不獲名者有獲名而不與三十
六峰之數者大抵黃山高廣險峻約之爲三十六峰
所之爲三百六十峰再折之有三千六百三萬六千
擎民源泉洞巖石數皆如是其可登而入者則鍊丹
未砂獅子蓮花石人軒轅九龍翠微石林飛龍采石
鉢盂十二峰其可望而不可涉者則天都青鬚紫石
桃花雲際壘障浮丘容成仙人上昇基石雲門石鏡
布水雲外十五峰其出壘而并不可望者則芙蓉紫

雲松林丹霞石門清潭僊都聖泉八峰而溪源泉洞
巖亦如之復有數峰并天遠望則疊複不辨有時雲
錦如海其峰始見爲雲際雲外布水上昇四峰
程弘志云峰以僊名者十朱砂鍊丹浮丘容成天都
軒轅僊人土昇僊都望僊以物象名者十一青鸞鉢
盂獅子石人疊障九龍石門基石石柱石林飛龍以
花木名者四桃花蓮花芙蓉松林以石色名者二采
石紫石以雲霞名者五雲際紫雲雲外丹霞雲門以
水得名者三聖泉清潭布水以本色名者一翠微山
之峰以僊計圖經不知著自何人區區限此三十六
者錫以佳名幾不解爲何意其不在三十六峰數內
名最著者爲飛來始信石鼓諸峰洞載圖經凡十有
三其可至者二僊都六簞蓮花其不可至者十軒轅
僊人錦霞餐霞朱砂翠微很豹絳歌駕鶴九龍水簾
宜夏宜飲宜長嘯僊壺宜冬宜負嘯宜飽則僊息不
論昏晝宜琴蓮花宜春秋觀藤宜茗宜苦吟宜蒲團
對石筍終日坐總之累心淨盡始可遊可居
又云山下四隅五大叢林款有其三祥符慈光獅鉢

宜有其二松谷翠微窈鉢從湯口右折而入十五里可至從此取道白沙嶺由歙而宜則松谷翠微可至松谷獨有潭可觀翠微之勝以古蹟合是踰湯嶺至湯院卽祥符寺遊者取逕遊桃花源蓮花庵慈光寺由慈光而上龍蟠庵趙州庵貝葉庵文殊院由文殊而往喝石居蓮花新广指月庵大悲庵白雲庵光明藏由光明藏而往天海靜海五供師子林慈愍菴林典率光明藏窮於山陬可禦祁寒幾率三而阻山一面遙觀雲最便今僧散屋敗不可居矣遊事盡竟蒲白沙嶺下丞相源

其文蔚云夫黃山何怪不奇何奇可盡若以祥符松谷爲卽舍由湯嶺過焦村自松谷石筍缸而上以盡游于丹臺光明頂蓮花洞諸勝復由石筍缸而下至焦村翠微寺白雲庵歸祥符然後由苦竹溪以及丞相源諸處則無事陟險而東西南北之勝可概見矣方夜云海門近光明僊人橋近前海近鍊丹臺丹臺居光明後近天門大抵由光明至蓮花則徑雨天門望雲梯而上山蓮花而天都則度雲梯而徑文

殊院由慈光寺而上則先文殊而後蓮花與光明一
逕由蓮花洞亦可達丞相源山丞相源而上則先始
信設花而後光明丞相源之下爲苦竹一逕由蓮花
洞亦可下慈光經文殊度雲梯亦可先蓮花于光明
由松谷而上則先光明由翠微而上則經釣橋度湯
嶺過蓮花庵而入慈光一逕由白雲庵亦可達前海
溫泉卽湯寺隔一澗居蓮花庵白龍潭下入慈光者
浴焉

嗣按方沆遊記黃山壁天而起中頂圩斜稱海子居
黃山之中諸峰連布如仰蟹外維中整南堂北與東
巽西化天地之精聚焉登山分四道南祥符慈光西
三天門北松谷東南嚮鉢皆會於海子中巔爲光明
巔蓋南爲蓮花天都循西爲三海門海門之奇甲黃
山云云余庚寅入山今三十年不復記憶因讀遊記
有道里可採者紀之由石壁渡溪三里爲洽舍數里
爲山口嶺左高山壁立右俯大溪十里三踰嶺嶺下
石橋左折蔣氏村居右折入谷口長堤爲鎮中至楊
村循溪而上水晶庵據嶺上再進爲甜珠嶺溪水左

折兩山高峙從左而右至金竹阮度嶺至芳村至巡檢司入湯口由湯口左行七八里至祥符寺由祥符登山至水簾洞詳江璫記中丁公庵在巖上由祥符沿溪里許爲桃花源由源半里爲蓮花庵庵對溪爲葉鈺復上半里爲慈光山門半里有虎頭巖巖下溪中有石竅爲丹井由丹井上半里爲鳴菰泉由祥符至慈光有兩道南拾羅漢級五百餘而曳且歷茶亭山門諸勝西遶紆而平由慈光右十里抵觀音巖由巖五里許登石人峯俗呼老人峯或以慈光至此爲二十里循石人峯背出其頂始踏天都峯麓則山路岐矣中道穿蓮花洞而近其旁新出者爲登文殊院路左趨天都峯右趨蓮花峯再曳而入海子山觀音巖上二里至龍蟠石至昭僊亭趙州庵庵對面爲桃花峯右爲天都峯從庵後登玉屏峯從庵過天都下嶺二里爲貝葉庵再下一里爲蓮花洞由洞復走天都二里爲小心坡可望蒲團岡龍兩松右行五六里過一線天破石松在其側今毀三里上文殊院所謂新路也湯口至此二十五里從虎頭巖至石陸壑抵

喝石居折蓮花溝至一線天騰峽至兔兒石右爲登
蓮花峰路下巖二里度百步雲梯三里至大悲頂從
梯三里至指月庵從庵至天海里許從庵上鍊丹臺
登臺看軒轅翠微倦掌諸峰右轉一里至光明頂過
半天碓隨下石牀峰看九龍飛龍兩峰是爲前海從
院望蓮花峰而進折上二里爲一天門再折爲二天
門萬松鋪貼石壁青翠欲落又折上竟達三天門此
山口亭子所指空曠無際中竟一點在望者此前海
登山之大器也湯口里餘爲茶亭亭外爲丞相亭別
院在巖面上每遊最可必攜小亭以憩遊者半山南
望鉢盂峰左爲九龍潭五六里達丞相洞洞有鐘
鉢洞院山梯外即三皇許至逍遙溪山梯鉢院上登
山洞隨山曲左右旋轉五六里至白沙嶺沙白而滑
從此可至翠微寺寺早處山麓無奇山白沙嶺北下
爲倦癯數里循山澗而上至皮蓬至師子林由林側
亂茅中行半里許可看經遠松日遠左轉爲散花塢
又六七里至石筍碓由碓不足十里至沈藥池可遊
藥師庵之下室由碓折而登始信峰至西海門至飛

來石再上爲基石峰折右爲海門前海之崖折左至
平天砭砭分前後海砭之絕頂高阜曰光明頂由砭
斜逕折下五六里爲升臺臺至鉢盂峰約十里由砭
東行下岡二里許得平砭北下循巖百步可觀倦橋
峰至天海庵庵距指月庵里許由頂登後海門往天
鼓峰獅子巖看石獅子至石筍砭約計十里自砭又可
遊慈雲庵望美人峰十里至丞相源十五里至湯口
由頂共三十里至慈光寺山師子林石筍砭正北直
下二十里至松谷庵由芙蓉嶺抵獅子峰共三十里
而松谷爲之喉由湯嶺至翠微寺西峰堂五里亦可
至松谷山師子林西南行原多靜室突有高岡夾道
入谷爲慈雲庵由光明頂逕進數里過國王壁亦可
至庵由庵二里至石鼓峰庵由庵西數百武三海門
在焉海門之奇彷彿石筍劈立萬仞龍潛其下從海
門可遊鍊丹臺至天海庵至一線天至大悲院此後
海登山之大畧也其餘道路詳之諸嶺下惟由巡司
行十里可看浮溪梅花

王輝云約畧北山諸峰如紫雪准空巨雲以鐵帚掃

之神被鬼迷莫可端倪前海發變尊貴後海靈詭森
奧鐵骨稜稜別開神貌亦奇亦正無斧不斲武夷具
體而幅員減四之三台宏拔而膚倍蓰之特不識
匡君何如耳雲以鋪海爲異而石間松上雨後旭前
武族擁或孤征變幻萬出似有造物主之者松受雪
枝弱者仆歲久鬣平如割幹不勝者則虬屈龍怒故
多奇詭石理巖厲不潤若大才作經國文章但標神
骨而字句工拙本非所計故如不計似招遊人以盡其
麗不附富其曜虛境積受而不浮似招遊人以盡其
奇砂滑如珠又若拒客而垂其藎均足賞也
方士翊云黃山態不一列人人遊撰一山時時遊換
一山山不盡三十六峰而水亦居其勝九龍潭逍遙
溪諸源余暫經之已浩然有雷濟雲漢之思矣
又云前海淺而藏後海瘦而削膚理既潤神姿逾妍
不獨奇擅專矜秀絕盛弘之云遊人每苦目不周玩
請不給賞以目斯山可當斯語
方夜云山峯崒出雲上外望如宰堵時而嵐氣發烟
如碧如黛又如青烟隱隱相著夏雲如火朝陽落照

則峰翠欲朱驟雨捲風而來則回巖走霧倏忽萬變
雲散則千峰懸瀑飛挂如雪奇幻出人意表余嘗謂
此山一草一木皆可死人不必潭石也若烟雲偶至
稍施一縷幻一奇則遊者筆端有困不及追者吾安
能摹之

吳從先云宇內名山未能遊覽然觀之紀載似無逾
黃山者奇石怪對突巖危峯幽洞險壑老藤古蘚此
翁山之常境若其變幻恍惚忽青於染忽淨於洗月
遇之而生白日遇之而成紫風遇之而聲吼雨遇之
而增寒至於白雲縹緲若抱樹而流滿石而走散則
如蝶結則張帳千態萬象巧繪之士未能覩其萬一
也客有問黃山者則舉遊紀以對往而遊焉目之所
經與紀絕異因以紀爲誣蓋山之奇絕朝夕異狀况
在今昔故知今日所遇但可爲今日遊人道也雖然
亦有變而常者汪澤民紀謂從焦村望黃山蓮峰丹
碧峭拔攢蹙若植圭若劍弁若列戈若芙蓉菡萏之
初開至湯嶺上仰視羣峰猶在雪漢間既阜蟠結聚
石間徑嵯巖欹危瀑布聲雷壁如雷怪石林立半壁

飛泉灑巾袂常新暑淒然如秋余及此時過遊如洗
雪對看毫毫不相異此固可向人道者

鄭元勳云遊黃山者百口異詞而終不能悉其妙乃
信天地間至理不可傳至人不可測皆是類耳

一薛挺云大抵黃山之峰雖以險怪爲奇而森秀峻潔
顧盼有情令人望而可親黃山之松類生絕壁石罅
上盤屈萬狀非人間所有黃山之石膚麤而理潤故
日色所射遍作紫光湯池下皆月砂故水獨甘芳清
滑甲於天下真地肺之靈區也

朱鷺云太華直磊落氣可驚四筵不削兩坐黃山奇
秀日出一石一松足了一生足快千古

方濬基云黃山之遊人人不同卽一人之遊而又時
不同豈不但雲霞點染變幻於天時而橫嶺側峰更
移於心目黃山亦大奇矣哉

汪大海云黃山可記乎黃山之奇不勝述矣烏乎記
記黃山者亦記余足目所及之黃山而已眉目稍施
混沌猶秘其間松石幽奇烟雲變幻鳥道蛇逕愈曲
愈勝愈變愈奇決非持十日糧可以畢志山靈不拒

借問一年身在黃山面目或出庶不爲唐笑耳
吳之騷云黃山極奇秀而不與五嶽競望之列茂輩
將仲黃山於五嶽之上奚取徵信亦徵諸聖人而已
矣五嶽則五帝三王生明堂而朝諸侯黃山之不得
配於五嶽也猶吾孔子之聖而無位集帝王之大成
而後之仰止者皆歸焉試觀岱宗以年長冠五嶽黃
帝乃使碧霞僊子迂僊人於其上而親與客成浮丘
講道鍊丹於三十六峯之間則軒轅之仲黃山也信
而有徵也

余嘗升云松以屈曲伸縮之不測者爲佳惟不測故
屈曲伸縮之中亦復萬變黃山之松極盡者意之所
至不必目之所有而設爲百千萬億之致卽畫者亦
訝其無似而持以貌黃山之松無有不肖此語竟可
謂松也六都土少態易古而屈曲伸縮各聽其自然
卽造化不能一其數又以善露之多松特藉以養其
色淡翠若滴每大小峯頂必籠一株甚一峯綴以數
株各出奇怪峭壁平削如堵亦有寄之以示奇个之
存者爲人力所不能去又不知所去之多其中屈曲

伸縮之不測更何如也

黃山志定本卷一

畢